



## **Magnum Bullarium Romanum, Seu Ejusdem Continuatio**

Quæ Supplementi loco sit, tum huicce, tum aliis quæ præcesserunt  
Editionibus, Romanæ, & Lugdunensi ...

Complectens Constitutiones Clementis XII. ab Anno I. usque ad IV.

**Luxemburgi, 1740**

XCVIII. Constitutio circa Mojores Scientias in Scholis Pauperum Matris Dei a  
Scholis Piis Vilmæ tradendas.

---

[urn:nbn:de:hbz:466:1-74733](https://nbn-resolving.org/urn:nbn:de:hbz:466:1-74733)



Statutis, & consuetudinibus, privilegiis quoque, indulcis, & literis Apostolicis, in contrarium præmissorum quomodolibet concessis, confirmatis, & innovatis.

§. 5. Quibus omnibus & singulis, illorum tenores præsentibus pro plene & sufficienter expressis, & ad verbum infertis habentes, illis aliis in suo robore permanentibus, ad præmissorum effectum hac vice dumtaxat specialiter & expresse derogamus, cæterisque contrariis quibuscumque.

Datum Romæ apud Sanctam Mariam Majorem sub Annulo Piscatoris die 22. Junii 1733. Pontificatus Nostri Anno Tertio.

F. Card. Oliverius.

XCVIII.

Lis omnis inter Clericos Regulares Societatis Jesu, & Pauperes Matris Dei, a Scholis Piis denominatos, de gravioribus scientiis Vlnæ ab utrisque publice tradendis oborta, ad Sedem Apostolicam advocatur, & extinguitur, ac alia hac de re a Sanctissimo Domino Nostro edita Constitutio confirmatur.

*Constitutionem hic laudatam, qua Pauperibus Matris Dei Scholarum Piarum facultas asseritur graviores tradendi scientias, legere est superius num. XXXI. pag. 144.*

Dat. die 30. Junii 1733. Pont. An. III.

CLEMENS EPISCOPUS,

*Servus Servorum Dei. Ad perpetuam rei memoriam.*

Summi Pontificis est lites inter ordines religiosos dirimere.

Pontificalis officii nostri esse debet, lites, & invidiosas contentiones inter quoscumque supremæ curæ nostræ subiectos, ac præsertim Ordines religiosos interdum obortas, dirimere, ut charismata meliora æmulantes, unâ omnes in Vineâ Domini laborare satagent, ac proximorum salutem, rectæque institutioni laudabilem, & Dominicæ mercede dignam, operam dare non cessent.

Inter Clericos regulares Societatis Jesu, & Pauperes Matris Dei a Scholis piis denominatos de tradendis publice scientiis contentio Vlnæ oborta.

§. 1. Quum itaque, sicut accepimus, postquam Anno Domini MDCCXXIII. seu alio veteriori tempore, Congregatio dilectorum filiorum Clericorum Regularium Pauperum Matris Dei, qui a Scholis Piis denominatur, in Vlnensem Civitatem canonice introducta fuisset, a dilectis quoque filiis Clericis Regularibus Societatis Jesu, qui Universitatis studii generalis seu publicæ Academicæ Vlnensis curam gerunt, non licere ibi cuiquam extra eandem Universitatem sive Academicam eminentiores disciplinas & scientias adolescentibus tradere, proptereaque non posse jam dictos Clericos Regulares publicas scholas ibidem aperire, prætentum fuerit; hujusmodi prætentio in Congregationem Sanctæ Romanæ Ecclesiæ Cardinalium, negotiis & consultationibus Episcoporum & Regularium præpositorum, e quorum numero Nos ipsi tunc eramus, ab utraque parte deductis, eadem Congregatio Cardinalium die vigesima septima mensis Martii Anno Domini MDCCXXVII. referente dilecto filio nostro Nicolao Sanctæ Romanæ Ecclesiæ Presbytero Cardinale, Spinula nuncupato, decreverit primodictis Clericis Regularibus licere aperire scholas juxta modum dumtaxat, scilicet inferiores, pro pueris pauperibus, gratis & sine ullo stipendio imbuendis in primis elementis, grammatica, computo, & præcipue in bonis moribus, & fidei catholicæ rudimentis, ad formam literarum Apostolicarum fel. record. Pauli Papæ V. Prædecessoris Nostri, quæ incipiunt:

*An ea, interdicta quæstione, & amplius causam non debere proponi censuerit, & piæ memoriæ Benedictus Papa XIII. etiam Prædecessor Noster decretum prædictum per suas literas Apostolicas sub annulo Piscatoris in forma Brevis die decima septima mensis Martii insequentis Anno MDCCXXVIII. expeditas, Apostolica auctoritate confirmaverit atque adprobaverit, prout in decreto ac literis ejusdem Benedicti plenius & uberius continetur.*

§. 2. Deinde vero Nobis, divina favente Clementia, ad Beati Petri Sedem evectis, cum innotuisset, varias, interque se discrepantes sententias ac voces percubuisse de proprio officio, præcipuoque instituto primodictorum Clericorum Regularium, super modo & ratione instituendi adolescentes, eorum curæ commissos, eisdemque in scholas recipiendi, deque Statutis a piæ record. Gregorio Papa XV. etiam Prædecessore Nostro, confirmatis & approbatis, ac de complurium aliorum Romanorum Pontificum tam sub plumbo quam sub Annulo Piscatoris, in dicta forma Brevis, pro dictis Clericis Regularibus Pauperibus Matris Dei, editis literis Apostolicis, & præcipue eorundem Pauli, Gregorii, & Urbani VIII. Alexandri VII. Clementis IX. & Clementis X. etiam Romanorum Pontificum Prædecessorum Nostrorum; Nos quasumque controversias & dissensiones, ex statutorum & literarum Apostolicarum hujusmodi vario sensu ortas, & tunc fortasse orituras, pro nostri Apostolatus munere de medio tollere volentes, particulari Congregationi Venerabilium Fratrum nostrorum Sanctæ Romanæ Ecclesiæ Cardinalium, videlicet bonæ memoriæ Prosperi Marefuschii, eorundem primodictorum Clericorum Regularium Matris Dei Protectoris, Leandri de Portia, ac Petri Aloysii Caraxæ, ad rem maturo consilio examinandam, tunc per Nos Apostolica auctoritate prædicta instituta, & prævis facultatibus necessariis instructa, commiserimus & mandaverimus, ut de omnibus & singulis tam in forma Brevis, quam sub plumbo, ut præfertur, expeditis, primodictosque Clericos Regulares respicientibus, Apostolicis literis ac statutis prædictis mature perpensis, in subsequencia capita sedulo inquirerent.

Primo nimirum, An prædictis Clericis Regularibus Pauperibus Matris Dei in suis publicis scholis, præter scribendi, legendi & computandi regulas, atque etiam grammaticen, scientias majores tradere liceret.

Secundo, An ipsi ad easdem suas scholas pueros etiam Divites, Nobilisque admittere possent.

Tertio, An in suam curam & regimen juvenum Collegia, Seminaria, & Convictus habere itidem possent.

Quarto quæsitum est, An privilegium Apostolicum eis foret concedendum, ut regulares domos sine aliorum Regularium consensu, condere possent, ubi tamen eis pro numero a Constitutionibus Apostolicis præfixo Religiosis alendis sufficientes reditus citra mendicandi & quæstivandi necessitatem aliis suppetere: quumque Congregatio particularis, prædicta die XIII. mensis Aprilis Anno Domini MDCCXXI. habita, præmissis omnibus, quemadmodum præceperamus, diligenter inspectis & ponderatis, nemine discrepante, in hanc resolutionem uno ore devenerit, scilicet:

Ad primum, Clericos Regulares Pauperes Matris Dei, qui a Scholis Piis denominantur, teneri prima rudimenta Catholicæ Fidei, grammaticæ & computorum regulas tradere adolescentulis ad formam Constitutionum Ordinis sui: licere etiam eisdem Scientias Majores in suis publicis Scholis tradere, dummodo tamen apud eos Constitutiones Ordinis quoad scholas minores serventur.

Particulari Card. Congreg. examinanda committitur.

Puncta etiam mini tradita.

Responsiones.

Ad



Ad secundum, eosdem Clericos Regulares teneri admittere pueros pauperes; & licere eis admittere pueros Divites, & Nobiles.

Ad tertium, posse ad formam Capitulorum Generalium.

Ad quartum, pro gratia privilegii eis concedendi responsum fuit; ad formam scilicet Indulti fel. record. Prædecessoris Nostri Clementis Papæ IX. Fratribus Excalceatis Ordinis Beatæ Mariæ Virginis de Monte Carmelo, concessi die sexta Octobris Anni MDCLXVIII.

§ 3. Relataque Nobis insequenti die per Venerabilem Fratrem Archiepiscopum Nazianzenum, Auditorem nostrum, quem Nos eidem Congregationi particulari Secretarium assignaveramus, resolutione hujusmodi, quæcumque contentiones, discordias, & lites, si quæ forsan quomodolibet ubivis locorum super hujusmodi statutorum & literarum Apostolicarum interpretatione & vero sensu contra primodictos Clericos Regulares exorta, & coram quibusvis Judicibus introducunt, & indecisa pendere repetæ fuissent, aut imposterum oriri unquam potuissent, ad Nos & Sedem Apostolicam advocantes, ac penitus suppressas & extinguentes, ac super eis perpetuum silentium imponentes, Motu proprio & ex certa scientia, ac de Apostolica potestatis plenitudine nostris, resolutionem seu decretum superius expressum & enunciatum, ut deinceps semper & perpetuo vigeret, & ubique locorum a primodictis Clericis Regularibus, illorumque Præposito & Procuratore Generalibus, cæterisque Superioribus & personis quibuscumque observaretur, dicta Apostolica auctoritate perpetuo confirmaverimus & approbaverimus; & ne imposterum quisquam ubivis locorum & gentium contra præmissa novas controversias & dissensiones excitare, primodictisque Clericis Regularibus de his molestiam aliquam inferre audeat, quæ a dicta Congregatione particulari explicata & resoluta fuerant, & a Nobis adprobata, dictaque resolutione seu decreto continebantur, statutorum & literarum Apostolicarum tam sub plumbo quam in forma Brevis hujusmodi, esse verum, germanum, sincerum & indubium sensum; idque omne a quibuscumque etiam speciali nota dignis, & vigore Constitutionum Apostolicarum, nostrarumque & Cancellariæ Apostolicæ regularum, specialiter & individue exprimendis, etiam dictæ S. R. E. Cardinalibus, locorum Ordinariis, ac quorumvis Ordinum, etiam Mendicantium & Militarium, necnon etiam Congregationum quarumcumque aliorum Clericorum Regularium, etiam Societatis Jesu, & cujusvis alterius regularis Instituti personis Regularibus omnino servandum esse: neque eisdem statutis & literis Apostolicis superius expressis ullam aliam interpretationem tribui posse, neque primodictis Clericis Regularibus ex suis statutis, literisque Apostolicis, iisdem concessis, præsertim dicti Pauli V. Prædecessoris, Scientias Majores profiteri unquam interdicitum & vetitum fuisse; immo etiam in suis publicis Scholis easdem Scientias Majores adolescentibus cujuscumque ordinis & conditionis tradere & prælegere licuisse & licere, Apostolica auctoritate prædicta decrevimus & declaravimus, prout in nostris desuper sub datum Romæ apud Sanctam Mariam Majorem anno Incarnationis Dominicæ MDCCXXXI. Kal. Maji Pontificatus Nostri Anno Primo vulgatis, incipientibus: *Nobis, quibus, literis, etiam plenius & uberius continetur.*

§ 4. Et licet primodicti Clerici Regulares, quibuscumque dissensionibus & controversiis per Nos, ut præfertur, de medio sublatis & suppressis, Scientias Majores adolescentibus cujusvis conditionis & ordinis ubique locorum pu-

blice & libere tradere posse sperarent; nihilominus ob præsensum extraordinarium ab Universitate seu Academia Vilnensi prædicta recessum (ut asserbatur) plurimum adolescentium, liberalibus disciplinis & scientiis operam navantium: illorumque ad Scholas Pias, per primodictos Clericos Regulares in prædicta Civitate Vilnensi apertas & exercitas, accessum, pro parte Clericorum Regularium Societatis Jesu dictæ Civitatis Vilnensis, prætendentium, dictas nostras literas eandem Civitatem Vilnensem minime comprehendere; & decretum, per Benedictum Prædecessorem jam memoratum, ut præfertur, confirmatum & adprobatum, quasi per easdem nostras literas minime abrogatum, adhuc viribus subsistere, ac Universitati seu Academia prædictæ, privative quoad alios quoscumque, graviore scientias tradere competere, is & causa in partibus coram dilecto quoque filio & Sedis prædictæ Nuncio nostro, apud Illustrem Poloniæ Regem commorante inter dictos Clericos Regulares Societatis Jesu ex una, & primodictos Clericos Regulares ex altera partibus, super observatione memorati decreti introducta extitit: ac dictus Nuncius noster provide considerans, instantiam dictorum Clericorum Regularium Societatis Jesu adversus dictas nostras literas, motu, scientia & potestatis plenitudine prædictis, ut præfertur, expeditas, esse promotam; ideoque super ea animum nostrum requirere existimavit; Nosque super hac re mature procedere volentes, eandem Congregationem particularem, videlicet Leandri & Petri Aloyis Cardinalium, & dilecti filii nostri Joannis Antonii dictæ S. R. E. Presbyteri Cardinalis Guadagni, primodictorum Clericorum Regularium Protectoris, in prædicti Profperi Cardinalis defuncti locum successi, assignato ei etiam dicto Nazianzeno Archiepiscopo in Secretarium, iterum institutum; illique Clericorum Regularium Societatis Jesu Civitatis Vilnensis, & Universitatis seu Academiae hujusmodi privilegia, ac primodictum decretum, literasque Benedicti Prædecessoris pro ejus confirmatione, ut præfertur, editas hujusmodi, necnon rationes per eosdem Clericos Regulares Societatis Jesu in scriptis allatas, examinandi præcipuam curam commisimus. Et dicta Congregatio particularis die IX. mensis Septembris anni proxime præteriti MDCCXXXII. auditis primodictis Clericis Regularibus, qui a Scholis Pias denominantur, ac mature rimata scriptura legali Universitatis seu Academiae Vilnensis Clericorum Regularium Societatis Jesu, a prædicto Nuncio nostro transmissa, ac dilecto filio Procuratore generali dictorum Clericorum Regularium Societatis Jesu requisito, consulendum esse Nobis, quod scriberetur per literas Secretariæ nostræ Status eidem Nuncio nostro, decretum prædictum dicto Anno MDCCXXXVII. in causa Vilnensi aperiitionis Domus & Scholarum Piarum emanatum, ac literas Apostolicas dicti Benedicti Prædecessoris super ejus confirmatione in forma Brevis, ut præfertur, expeditas, Non obstat primodictis Clericis Regularibus ad effectum aperiendi in Civitate Vilnensi Scholas Publicas, etiam Scientiarum Majorum, attenda Constitutione ac declaratione nostris prædictis sub die 1. Maji anno MDCCXXXI. emanatis, ad formam tamen ejusdem constitutionis: Neque constare de præensa privativa Universitatis seu Academiae Vilnensis quoad scientias Philosophicas & Theologicas, etiam morales, aliasque etiam inferiores, censuit: Factaque deinde per dictum Archiepiscopum eadem die IX. Septembris de hac ultima resolutione, seu decreto prædictæ Congregationis particularis, Nobis relatione, illi benigne annuimus, atque ultimodi-

Sententia a S.S. confirmata.

Ac edita Constitutio.

Causa ad Nuncium Apostolicum delata.

Hinc Romam translata.

Congreg. Particularis Decretum:

Quod a Sanctissimo D. N. fuit confirmatum: Ac Nuncio Apostolico transmissum:



Ab eo autem  
publicatum:

tam resolutionem seu decretum pro ejus ad-  
implemento, prædicto Nuncio nostro transmi-  
ti mandavimus: dictusque Nuncius noster ul-  
timo dictæ resolutioni seu decreto sibi transmissio,  
ut par erat, inherens, illud non solum voce  
palam fecit, sed etiam scriptis prolata formali  
sententia, cujus tenor est: *Christi nomine in-  
vocato, pro Tribunali sedentes, & solum Deum  
præ oculis habentes, per hanc nostram definiti-  
vam sententiam, quam in his scriptis serimus in  
causa & causis, quæ primo & in prima coram  
nobis, seu alia veriori verse fuerunt & vertuntur,  
instantia, inter Rev. P. Sebastianum a Sancto Sta-  
nislao, Procuratorem Generalem Causarum Cleri-  
corum Regularium Matris Dei Scholarum Piarum  
Provinciae Poloniae & Lithuaniae, nomine, de quo  
in Actis, actorem ex una: & Rev. P. Paulum  
Stryleuski, Procuratorem Generalem Causarum  
Provinciae Lithuaniae Societatis Jesu, nomine pari-  
ter, de quo in Actis, reum conventum ex altera,  
partibus, de & super observatione & executione  
Constitutionis Sanctissimi Domini Nostri CLEMEN-  
TIS Pape XII. sub datum Kalendis Maji 1731.  
editæ favore Clericorum Regularium Pauperum  
Matris Dei, qui a Scholis Piis denominantur,  
rebusque aliis, in actis causa & causarum hujus-  
modi, ad quæ Sc. dicimus, declaramus, & defi-  
nitivæ sententiamus, superscriptam Constitutionem  
Sanctissimi Domini Nostri Pape ad literam, &  
prout sonat, fore, & esse exequendam, & in om-  
nibus & per omnia observandam, prout per præ-  
sentes exequi & observari volumus & mandamus;  
signanter declarantes in casu, licuisse Clericis Re-  
gularibus Pauperibus Matris Dei, a Scholis Piis  
denominatis, Domus Vilnensis Publicas Scholas ape-  
rire, ac etiam licere Scientias Majores in prædictis  
suis Scholis publicis tradere, & in easdem pueros  
Nobiles & Divites admittere; & pro præmissorum  
effectu mandatum de exequendo, & aliud quodcum-  
que, desuper necessarium & opportunum, decerni-  
mus & relaxamus, ac exequi volumus & manda-  
mus Sc. Ita pronunciaui Ego C. Archiepiscopus  
Iconiensis, Nuncius Apostolicus, lata, lecta, &  
publicata Sc. Stephanus Skarstyński Vicecancellarius.  
Insuper dicti Clerici Regulares Societatis Jesu  
præmissis minime acquiescentes, a Nuncio  
nostro ejusque sententia appellationem, quæ ab  
eodem Nuncio, prout juris erat, rejecta fuit,  
ad Nos, & Apostolicam Sedem interposuerunt.*

§. 5. Nos igitur, qui quascumque conten-  
tiones & dissidia a religiosis Familiis amovere  
studemus, eorumdem Clericorum Regularium  
Pauperum Matris Dei, præcipue circa illorum  
Pias Scholas, in Civitate Vilnensi existentes,  
tranquillitati & quieti, quantum cum Domino  
possumus, consulere cupientes, eosque & eorum  
singulos specialibus favoribus & gratis profes-  
qui volentes, & a quibusvis excommunicatio-  
nis, suspensionis, & interdicti, aliisque ec-  
clesiasticis sententiis, censuris, & penis, a  
jure vel ab homine quavis occasione vel causa  
latis, si quibus quomodolibet innodati existunt,  
ad effectum præsentium tantum consequendum,  
harum serie absolventes & absolutos fore cen-  
sentes, ac litis & causæ prædictarum inter  
utrosque Clericos Regulares, olim, ut præfer-  
tur, pendendum, status & merita, & decreti  
dictæ Congregationis prædictorum Cardinalium,  
negotii Episcoporum & Regularium præpo-  
sitorum, ut præfertur, emanati, ac literarum  
Apostolicarum dicti Benedicti Prædecessoris pro  
illius confirmatione editarum, & unius ac  
alterius Congregationis particularis prædictæ re-  
solutionum seu decretorum, ac nostrarum per  
Nos, ut præfertur, editarum, ac Pauli, Gre-  
gorii, Urbani, Alexandri, & utriusque Cle-  
mentis Prædecessorum prædictorum, primodi-  
ctos Clericos Regulares quomodolibet respi-  
cientium, literarum Apostolicarum, ac statu-

Mox appel-  
latum ad Se-  
dem Aposto-  
licam.

Summus  
Pontifex hu-  
jusmodi lites  
ad se avoca-  
tas prorsus  
extinguit.

torum hujusmodi, & quorumcumque in Capi-  
tulis Generalibus primodictorum Clericorum  
Regularium conditorum decretorum, omnium  
& singulorum tenores, etiam vires, ac da-  
tas, præsentibus pro plene & sufficienter ex-  
pressis, ac de verbo ad verbum insertis habentes:  
neon litem & causam hujusmodi per  
dictos Clericos Regulares Societatis Jesu contra  
primodictos Clericos Regulares, in Civitate Vil-  
nensi commorantes, ut præfertur, introdu-  
ctas, quatenus opus sit, ad Nos & Sedem præ-  
dictam avocantes, illasque, & appellationem  
per eosdem Clericos Regulares Societatis Jesu,  
ut præfertur, interpositam, penitus & omni-  
no extinguentes & suppressantes, ac super  
eis perpetuum silentium imponentes, motu pro-  
prio, & ex certa scientia, ac deliberatione Nos-  
tris, deque Apostolicæ potestatis plenitudine  
decretum Congregationis eorumdem Cardina-  
lium, negotii & consultationibus Episcoporum  
& Regularium præpositorum, ut præfertur, edi-  
tum: & literas Apostolicas ejusdem Benedicti  
Prædecessoris super decreti hujusmodi confirma-  
tione in forma Brevis concessas, itaut illa  
imposterum per dictos Clericos Regulares Socie-  
tatis Jesu in quodcumque iudicium, vel extra  
illud, nunquam deduci possint, dicta Apostolica  
auctoritate tenore præsentium perpetuo revoca-  
mus, rescindimus & abrogamus. Et ultimodictam  
resolutionem seu decretum per Congregationem  
particularem, ut præfertur, emanatum, & sen-  
tentiam deinde per eundem Nuncium nostrum  
favore primodictorum Clericorum Regularium  
latam, auctoritate nostra perpetuo confirmamus  
& approbamus; illisque perpetuæ & inviolabi-  
lis Apostolicæ firmitatis robor adjicimus, om-  
nesque & singulos tam juris, quam facti, &  
solemnitatum, ac quoscumque alios quantum-  
vis substantiales defectus, si qui desuper quo-  
modolibet intervenerint, in iisdem supplemus.

§. 6. Ac de prætensa facultate Universitatis  
seu Academiæ Vilnensis publice docendi scientias  
majores private quoad alios, minime consti-  
tuisse, minimeque constare, & vigore dictarum  
literarum nostrarum: *Nobis, quibus incipien-  
tium, primodictos Clericos Regulares, etiam  
in Civitate Vilnensi Scholas Publicas retinere:  
inibique Scientias etiam Majores adolescentibus  
cujusvis conditionis & ordinis tradere: ac etiam  
Collegia, Seminaria, & Convictus in suam cu-  
ram & regimen recipere, Apostolica auctori-  
tate perpetuo statimus & declaramus. Insuper  
eadem auctoritate, dictam nostram Constitu-  
tionem in reliquis ibidem expressis firmam,  
salvam, & illam existere, & censi debere,  
quoad omnia & singula, in ea in favorem di-  
ctorum Clericorum Pauperum Matris Dei con-  
tenta, confirmamus, & Vilnæ, ac ubique loco-  
rum inviolabiliter observari mandamus: dictam-  
que resolutionem & decretum Congregationis  
particularis, & memorati Nuncii nostri sen-  
tentiam, ac prædictas nostras, præsentisque  
Literas, & in eis contenta & expressa quæcum-  
que, nullo unquam tempore de subreptionis  
vel obreptionis, aut nullitatis vitio, vel inten-  
tionis nostræ, etiam ex eo, quod causæ,  
propter quas præmissa emanarunt, coram No-  
bis vel alibi adductæ, verificatæ & justificatæ,  
ac dicti Clerici Regulares Societatis Jesu civi-  
tatis Vilnensis, ac Universitatis seu Academiæ  
prædictæ Rectores seu Conservatores ac Admi-  
nistratores & quicumque alii, in præmissis &  
circa ea jus vel interesse habentes, aut habere  
prætendentes, ad id vocati & auditii non fuerint,  
& consensum suum eidem præmissis non præstie-  
rint: aut alio quovis defectu, etiam quantumvis  
magno & substantiali, sive etiam ex eo, quod  
in eis solemnitates, ac quævis alia servanda &  
adimplenda, servata & adimpleta non fuerint,*

Ac priorem  
suam Consti-  
tutionem pro  
Clericis Re-  
gularibus  
Pauperibus  
Matris Dei  
undequaque  
confirmat.

aut



aut ex quocumque alio capite, etiam in corpore Juris clauso, & quovis alio pretextu vel causa, etiam quantumvis legitima, iusta & privilegiata, ac publicum & commune bonum respiciente, quæque ad effectum validitatis præmissorum exprimenda foret, notari, impugnari, invalidari, retractari, in jus vel controversiam vocari, ad viam & terminos juris reduci, aut adversus illas quodcumque juris vel facti aut gratiæ remedium, aut oris aperitionem impetrari; neque illas sub quibusvis similibus vel dissimilibus gratiarum revocationibus, suspensionibus, limitationibus, derogationibus, aut aliis contrariis dispositionibus comprehendi; sed semper ab illis excipi, & quoties illæ emanabunt, toties in pristinum & validissimum statum restitutas, repositas & plenarie reintegratas, ac de novo etiam sub quacumque posteriori data per primodictos Clericos Regulares, a Scholis Pii denominatos, nunc & pro tempore existentes, quandocumque eligenda, concessas: illaque validas & efficaces fore & esse, suosque plenarios & integros effectus in omnibus & per omnia fortiri & obtinere, ac primodictis Clericis, nunc & pro tempore existentibus, in omnibus & per omnia plenissime suffragari; sicque, & non aliàs, per quoscumque Judices ordinarios vel delegatos, quavis auctoritate fungentes, etiam Causarum Palatii Nostri Apostolici Auditores, & dictæ Sanctæ Romanæ Ecclesiæ Cardinales, etiam de Latere Legatos, Vicelegatos, dictæque Sedis apud dictum pro tempore existentem illustrem Poloniæ Regem commorantes, aliosque Nuncios, & quolibet alios, quavis auctoritate, potestate, prerogativa, honore & privilegio fungentes, sublata eis & eorum cuilibet quavis aliter judicandi, definiendi, & interpretandi facultate & auctoritate, judicari, definiiri & interpretari debere; & quidquid secus super his a quoquam quavis auctoritate scienter vel ignoranter contigerit attentari, irritum & inane decernimus.

§. 7. Non obstantibus iis omnibus, quæ Nos in eisdem nostris literis volumus non obstare, ac Nostra & Cancellariæ prædictæ Regula de jure quæsito non tollendo, ac Constitutionibus & Ordinationibus Apostolicis, dictorumque Clericorum Regularium Societatis Jesu, ac Universitatis seu Academiæ prædictæ, etiam juramento, confirmatione Apostolica, vel quavis firmitate alia roboratis, statutis, & consuetudinibus, privilegiis quoque, indultis, & literis Apostolicis, de quibus omnibus, etiam specialis, specifica, expressa ac individua mentio habenda esset, dictis Clericis Regularibus Societatis Jesu, ac Universitati seu Academiæ hujusmodi, illiusque Rectoribus seu Conservatoribus ac Administratoribus prædictis, aliisque Superioribus & personis quibuscumque aliàs in contrarium præmissorum quomodolibet concessis, confirmatis, & approbatis.

§. 8. Quibus omnibus & singulis, quamvis pro eorum sufficienti derogatione de illis, eorumque totis tenoribus specialis, specifica, expressa, individua, ac de verbo ad verbum, non autem per clausulas generales idem importantes mentio, aut quavis expressio facienda, sive aliqua alia exquisita forma ad hoc servanda esset, illorum tenores his nostris pro plene & sufficienter expressis, ac de verbo ad verbum insertis habentes, illis aliàs in suo robore permanuris, specialiter & expresse motu, scientia, deliberatione, & potestatis plenitudine, ad præmissorum effectum dumtaxat, plenissime derogamus, & derogatum esse volumus, cæterisque contrariis quibuscumque.

§. 9. Volumus autem, ut earundem præsentium literarum transumptis, sive exemplis, etiam typis impressis, manu alicujus Notarii publici subscriptis, & sigillo Personæ in Ecclesiastica Di-

gnitate constitutæ, vel dictorum Clericorum Regularium Pauperum Matris Dei, qui a Scholis Pii denominantur, Præpositi Generalis munitis eadem prorsus fides in judicio & extra adhibeatur, quæ iisdem præsentibus, si forent exhibitæ vel ostensæ, adhiberetur.

§. 10. Nulli ergo omnino hominum liceat, hanc paginam nostræ absolutionis, revocationis, rescissionis, abrogationis, approbationis, confirmationis, roboris, adjectionis, defectuum supplementationis, statuti, decreti, declarationis, derogationis, & voluntatis, infringere, vel ei ausu temerario contraire; si quis autem hoc attentare præsumperit, indignationem Omnipotentis Dei, ac Beatorum Petri & Pauli Apostolorum ejus, se noverit incursum.

Datum Romæ apud Sanctam Mariam Majori Anno Incarnationis Dominicæ millesimo septingentesimo trigésimo tertio, pridie Kalendas Julii, Pontificatus Nostri Anno Tertio.

A. Card. Pro-Datarius.

F. Card. Oliverius.

V I S A

De Curia J. Archiepiscopus Ancyranus.

Loco ✕ Plumbi.

D. Stivanus.

Registrata in Secretaria Brevium.

Fratres Congregationis de Carbonara Ordinis Fratrum Eremitarum Sancti Augustini post studiorum cursum completum, & Theologiæ lectionem, quinquennio peracto, habiles declarantur ad officia Assistentium, & Procuratoris Generalium.

XCIX.

CLEMENS PAPA XII.

Ad futuram rei memoriam.

§. 1. Exponi Nobis nuper fecit dilectus filius Nicolaus Antonius Schiaffinati Prior Generalis Ordinis Fratrum Eremitarum Sancti Augustini, quod per quosdam fel. record. Clementis PP. VIII. Prædecessoris Nostri desuper in simili forma Brevis expeditas literas, & per alias similes a piæ mem. Paulo PP. V. pariter Prædecessore Nostro confirmatas, expresse cavetur, ut ad Assistentium Generalium ejusdem Ordinis officium, nisi illi, qui in quadragesimo saltem sætatis anno constituti, & Magisterii in Sacra Theologia gradu decorati sint, assumantur; unde existimatur, a consecutione ejusdem officii Assistentis, & alterius Procuratoris Generalis Ordinis hujusmodi, Congregationem S. Joannis de Carbonaria dicti Ordinis, ubi dictus Nicolaus Antonius Prior Generalis viginti quinque annorum spatio commoratus fuit, exclusum remanere posse; eo quia in memorata Congregatione, tamen in ea Religiosi perdigni, aliisque requisitis pro ejusmodi gradu obtinendo præditi reperiantur, eis tamen Magisterii gradus conferri non consuevit.

§. 2. Cum autem, sicut eadem expositio subjungebat, laurea Magistralis juxta statuta ipsius Congregationis, auctoritate Apostolica confirmata, non ob meritum deficientiam iis Religiosis minime permittatur, idem Nicolaus Antonius Prior Generalis, quo prædictæ Congregationis Religiosi validius ad studia incitentur, animumque intendant, ac in perfecta vita communi vivere; necnon ad hujusmodi Officia elati, præstanti eorum vitæ exemplo ac scientia prædicto Ordini prodesse possint, opportune in præ-

Dat. die 4. Julii 1733. Pont. An. III.

Qui ad majora Ordinis hujus officia vi Constit. Apostol. promovendi.

Obstantibus derogat.

Clausula derogatoria.

Fides Transumptorum.